

## IQTISODIY TARBIYA – IQTISODIY BILIM POYDEVORI

**Avezova Ozoda Ilxomovna**

*Xorazm viloyati Hazorasp tumani 3 – son  
kasb-hunar maktabi Biznes asoslari fani  
o`qituvchisi*

**Annotatsiya:** *Ushbu maqolada iqtisodiy tarbiyaning iqtisodiy bilim poydevori ekanligi , hozirgi davrda iqtisodiy tarbiyaning yoshlar uchun ularning tadbirkorlik bilan shug`ullanishlari uchun zarurligi , iqtisodiy tarbiyaning metodlari , ahamiyati haqida so`z boradi.*

**Kalit so`zlar:** *Iqtisodiy tarbiya, iqtisodiy bilim, iqtisodiy tushunchalar, iqtisodiy tafakkur, tadbirkorlik, tejamkorlik, jamg`arish .*

Iqtisodiyotni rivojlantiruvchi asosiy kuch-bu inson.Demak, bugungi kunda bizlar iqtisodiy bilimlarga ega bo`lmog`imiz,iqtisodiy tarbiyaga ega bo`lgan etuk shaxslarni shakllantirishimiz zarur.Iqtisodiy bilim o`z ichiga iqtisodiy tushunchalar, iqtisodiy qonuniyatlar va iqtisodiy strukturalarni qamrab oladi,Xo`sh iqtisodiy tarbiya nima? Iqtisodiy tarbiya – bu iqtisodiy hayotga bo`lgan munosabatlarni shakllantirishga qaratilgan tarbiyadir.

Biz ko`pincha aqliy va ahloqiy tarbiyaga e`tiborimizni qaratib , iqtisodiy tarbiyaga kam e`tibor berar edik.Bizga ma`lumki , rivojlangan mamlakatlarda iqtisodiy tarbiyaga bo`lgan munosabat juda kuchli bo`lgan. Masalan Germaniyada iqtisodiy tarbiyaga chuqur yondashiladi va natijada tejamkorlikka , hisob – kitobga kuchli e`tibor qaratiladi.Tejamkorlikka o`rganishning o`zi ham katta daromad olish imkonini beradi.

Tejamkorlikni tarbiyalash iqtisodiy tarbiyada bosh masala hisoblanada.Tejamkorlikni o`rganish uchun hisob-kitobga o`rgatish lozim.Tejamkorlik odad tusiga va turmush tarziga aylanishi zarur. Bundan tashqari o`quvchi yoshlar iqtisodiy organism bir butun yaxlit organism ekanligini his qilish darajasiga etishi kerak. Yuksak iqtisodiy madaniyat buni taqozo etadi. Agar o`quvchi yoshlar kelajakda kichik bir tarmoq uchun uning ravnaqi uchun yoki o`z oldiga maqsad qilib biznes bilan shug`ullanaman biznesimni rivojlantirishda hech qachon to`xtamayman deb fikr yuritsa , demak uning iqtisodiy tarbiyasi kerakli darajada shakllangan bo`ladi.

Biz o`quvchi yoshlarda yaxlit iqtisodiyotni rivojlanishi uchun harakat qilish ko`nikmalarini shakllantirishimiz lozim. Bizning berayotgan Iqtisodiy tarbiyamiz



avtonom xususiyatga emas , balki butun iqtisodni rivojlantirishga qaratilgan bo`lishi kerak.Buning uchun iqtisodiy tarbiyani shakllantirishda biz yaxlitlik hissini han shakllantirishga harakat qilishimiz kerak. Yaxlitlik hissini shakllantirish natijasida biz o`quvchi yoshlarda pirovard natija uchun ishlash xususiyatini takomillashtiramiz.

Iqtisodiy tarbiyani shakllantirishda birinchi galda o`quvchi yoshlarda eng sodda malakalar hosil qilishda boshlash kerak.Iqtisodiy fikrlash iqtisodiy tushunchalar , iqtisodiy his-tuyg`ular avvalo oilada, so`ngra bog`cha maktab, kasb-hunar maktabi,kollej, texnikum,oliy o`quv dargohlarida shakllanadi.

Biz Yangi O`zbekistonda yashar ekanmiz, yangicha iqtisodiy fikrlashga o`rganishimiz zarur.Iqtisodiy qonunlar o`zining yangi talablarini har bir inson oldiga qo`yadi.Shuning uchun ham bugungi kunda iqtisodiy ta`lim va iqtisodiy tarbiyaga alohida e`tabor qaratishga majburmiz. Ayniqsa iqtisodiy tarbiya masalasi bozor munosabatlari davrida yanada kuchliroq bo`lishi – bu davr talabidir. Umuman, iqtisodiy tarbiyaning maqsadi iqtisodiy madaniyatni insonda shakllantirishdan iboratdir.

Bu maqsadga erishish ucun tejamkorlik, tadbirkorkik,hisob-kitob, yangiliklarga intilish, iqtisodiy yangilikni his qilish kabi xususiyatlarni vujudga keltirish va rivojlantirish zarur. Buning uchun quyidagi metodlardan foydalanish maqsadga muvofiq:

1. Ongni shakllantiruvchi metodlar ( suhbat, ma`ruza, nasihat), ya`ni o`quvchilarda shu metodlardan foydalanib,iqtisodiy bilim, iqtisodiy qarashlarni vujudga keltirish.
2. Odatlantirish metodi ( tejamkorlikka odatlantirish, ijodkorlikka odatlantirish)
3. Jazolash metodi (isrofgarshilikni imkoniyati boricha jazolab turish)
- 4.Yangilikka bo`lgan intilishni rag`batlantirish.

Har tomonlama yetuk mutaxassislarni tarbiyalash bugungi kunda biz pedagoglarning muhim vazifasiga aylangan. Tarbiya jarayonida o`quvchilarning ijtimoiy faolligini oshirish uslublari ko`pdir.Ular jumlasiga individual turli topshiriqlar kiradi.Bu topshiriqlar tuple-tuman bo`lishi mumkin, bularning hammasi oquvchi shaxsini shakllantiradi va ularni mutaxassisliklari bo`yicha tayyorlaydi.

Individual topshiriq metodlaridan jamoa rivojining quyi bosqichlaridan foydalanish mumkin.Bunda o`quvchining mustaqil bajarayotgan ishlariga yordam berish kuchayadi va unga to`g`ri baho beriladi.Ana shunday tarzda o`quvchida ijobjiy emossiya paydo bo`ladi.Bu jamoa rivojining erkin birlashuvi- pedagogika samarasidir.

Iqtisodiy tarbiyada qator yonalishlar ajratilib ko`rsatiladi:



- Iqtisodiy qonunlar harakati mexanizmini to`g`ri taraqqiy ettirish uchun iqtisodiy tafakkurni yuksaltirish,
- iqtisodiy madaniyatni shakllantirish, jamiyatning hozirgi zamon taraqqiyoti jarayonini anglash,
- davlat va xususiy mulkga tegishli bo`lgan munosabatni , har bir o`quvchining mehnat jarayonida o`zo`rnini va jamiyatdagi o`rnini to`g`ti anglashga yo`naltirilgan.

O`quvchining iqtisodiy tafakkur darajsini baholash mezoni bu-iqtisodiy bilimlarni puxta bilishi,voqealar mohiyatini o`rganish shakl va mazmunini ko`ra bilishi lozim.iqtisodiy tafakkurning hozirgi stili faoliyatining oxirgi natijalari , xo`jalik muammolarini hal etishda tizimli kompleks yondashish va jamiyat boyligiga tejamkorlik bilan munosabatda bo`lishni taqozo etadi.

Yangi O`zbekistonda ro`y berayotgan o`zgarishlar biz pedagoglardan iqtisodiy tarbiya masalalariga yangicha yondashishni talab etadi.O`quvchi yoshlarning garmonik rivojlanishi va dunyoqarashini shakllantirishda , ijtimoiy hayotning negizi bo`lgan iqtisodiy jarayonlarni , uning shakl va mazmuniy o`zgarishlarini , mamlakatimizdagi resurslardan samarali foydalanib milliy boyligimizni ko`paytirish yo`l-yo`riqlari ruhida tarbiyalash alohida ahamiyat kasb etadi.

Shunday ekan , bizning asosiy maqsadimiz o`quvchi yoshlarga iqtisodiy tarbiya haqida tushuncha berish , ularni yangucha mustaqil iqtisodiy fikr va mulohazalar yuritishga , iqtisodiy voqealar , jarayonlar haqida yetuk va chuqr fikrlashga o`rgatish hamda ularni iqtisodiy barkamol tarbiyalashdan iboratdir.

Tarbiya – san`at. O`quvchi tarbiyasi esa mo`jizaviy san`at , mo`jizaviy najot – saodat.Iqtisodiy tarbiya saodatga chorlovchi tarbiyadir.

## **FOYDALANILGAN ADABIYOTLAR:**

1. Sh.Mirziyoyev “Yangi O’zbekiston strategiyasi” Toshkent-2021
2. Z.Xudoyberdiyev “Tadbirkorlik va biznes asoslari” Toshkent-2009
3. U.G`ofurov . Q.Sharipov “Tadbirkorlik asoslari” Toshkent-2018
4. N.Ismatova. Z.Zamonov “Tarbiya” Toshkent-2021
5. V.Qo`chqorov. O.Maxmudov “Ma’naviyat asoslari” Toshkent-2017

